

CBETA電子佛典集成

CBETA Chinese Electronic Tripitaka Collection
eBook

T20n1080

如意輪陀羅尼經

唐 菩提流志譯

財團
法人 佛教電子佛典基金會



目次

- [編輯說明](#)
- [章節目次](#)
 - [1 序品](#)
 - [2 破業障品](#)
 - [3 誦念法品](#)
 - [4 法印品](#)
 - [1 大蓮花三昧耶印](#)
 - [2 解脫印](#)
 - [3 治十明](#)
 - [4 觸護身印](#)
 - [5 漱口印](#)
 - [6 浴三寶印](#)
 - [7 聖觀自在浴印](#)
 - [8 自灌頂印](#)
 - [9 著衣印](#)
 - [10 禁頂印](#)
 - [11 護身印](#)
 - [12 大護身印](#)
 - [13 被甲印](#)
 - [14 十方界明](#)
 - [15 結壇界印](#)
 - [16 治路明](#)
 - [17 請召印](#)
 - [18 迎印](#)
 - [19 香水印](#)
 - [20 華座印](#)
 - [21 請坐印](#)
 - [22 除障印](#)
 - [23 供養印](#)
 - [24 求生印](#)
 - [25 根本印](#)
 - [26 大心印](#)
 - [27 淨治珠明](#)
 - [28 數珠印](#)

- [29 解界印](#)
- [30 五淨明](#)
- [5 壇法品](#)
- [6 佩藥品](#)
- [7 含藥品](#)
- [8 眼藥品](#)
- [9 護摩品](#)
- [10 囉累品](#)
- [卷目次](#)
- [.001](#)
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 1080 [Nos. 1081-1083]

如意輪陀羅尼經(此經出大蓮華金剛三昧耶加持祕密無障礙經)

唐天竺三藏菩提流志譯

序品第一

如是我聞：

一時佛在雞喇斯山，與無央數菩薩眾俱。爾時觀自在菩薩摩訶薩從座而起，整理衣服，長跪合掌，前白佛言：「世尊！我有大蓮華峯金剛祕密無障礙如意輪陀羅尼明三昧耶，能於一切勝福事業所求皆得如意成就。如來大慈許我說者，我當承佛神力，廣為饒益一切有情意願故說。世尊！是陀羅尼明有大威神，如天意樹為諸明仙兩大寶雨，所欲皆得；等摩尼珠能滿一切有情一切勝願。唯希如來慈哀加持。」爾時世尊告觀自在菩薩摩訶薩言：「善哉善哉！汝以大悲為諸有情故發是問。我已加持，聽汝無礙說示如意輪陀羅尼明。」爾時觀自在菩薩摩訶薩承佛告旨，顧及眷屬，即起合掌修敬頂禮，繞佛三匝還坐本座，以歡喜心諦觀會眾熙怡微笑，即說根本陀羅尼明曰：

「na mo ra tna tra yā 娜 謨 囉 怛娜(二合)(那可反)(上下同音) 怛囉(二合) 野 ya na ma ā ryā va lo ki 耶(一) 娜 麼 阿(去) 唎耶(二合)(二) 嚩(無可反) 嚩 枳 te śva rā ya bo dhi sa tvā ya 諦 濕嚩(二合)(同上音) 囉 耶(三) 菩 提 薩 埵 耶(四) ma hā sa tva ya ma hā kā ru ṇi 摩 訶 薩 埵 耶(五) 摩 訶 迦(居邏反)(下同音) 嚩 拏 kā ya ta dya thā om ca kra 迦 耶(六) 怛 姪(寧也反) 他(去)(七) 唵(喉中擡聲引呼之)(八) 斫 羯 va rtti ci ntā ma ṇi ma hā 囉 襪(無過反) 囉(二合) 底 振 踰 磨 拏(九) 摩 訶 pa dme ru ru ti śta jva 鉢 頭(途邑反) 謎(十) 嚩 嚩(十一) 底 瑟侘(臈賈反)(十二) 入嚩(無可反)(二合) la a ka rṣa ya hūm 攞(十三) 阿(去) 迦 唎沙(踈下反) 野(十四) 虎[合*牛](二合)(十五) pha ṭ svā hā 柿 吒(十六)(半音) 莎(去) 嚩(二合) 訶(十七)」

「大心陀羅尼明曰：

「om pa dma ci ntā ma ṇi 唵(同上)(呼)(一) 鉢頭(同上音) 麼(二) 振 踰 磨 拏(三) 摩訶 jva la hūm

入嚩(同上音)(二合) 攞(四) 虎[合*牛](二合)(五)」

「小心陀羅尼明曰：

「om va ra da pa dme hū m

唵(同上)(呼)(一) 嚩(同上音) 囉 娜 鉢 頭(同上音) 謎(二) 虎
[合*牛](二合)(三) 」

爾時觀自在菩薩摩訶薩說此陀羅尼明時，大地山林六返震動，一切天宮、龍宮、藥叉宮、羅剎宮、乾闥婆宮、阿素落宮、迦樓羅宮、緊那羅宮、摩呼羅伽宮皆大震動。種種諸惡大力鬼神、毘那夜迦、作障礙者皆大戰慄。諸魔宮殿普大火起，是中魔王及魔眷屬生大怖懼。一切鄙惡龍女、神女、鬼女、藥叉女、羅剎女、乾闥婆女、阿素落女、迦樓羅女、緊那羅女、摩呼羅伽女，一時惶怖悶亂躄地。一切地獄皆自門開，是中一切罪報有情皆得解脫，盡生天界受勝安樂。

爾時諸天各持天諸種種殊勝安悉、牛頭栴檀、沈水、末香、塗香、燒香、奇妙天花、眾寶瓔珞、釵璫環釧、寶蓋頭冠、天諸衣服、一切飾具，於虛空中繽紛散雨，供養如來及會大眾。滿虛空際起種種色雲，於其雲中無量天樂不鼓自鳴，出不思議和雅音聲供養如來，見聞聽者住慈忍力。如斯神變皆是觀自在菩薩摩訶薩祕密如意輪陀羅尼呪神力所致。

爾時世尊出迦陵頻伽美妙梵聲，說深妙偈讚觀自在菩薩摩訶薩曰：

「善哉善哉善男子！ 汝能愍念諸有情，
說是如意陀羅尼， 拯濟有情大勝益，
令信受者銷諸罪， 當超三界證菩提，
隨方若有修持者， 世出世願皆圓滿。」

爾時世尊說斯偈已，復告觀自在菩薩摩訶薩言：「善男子！汝當重為一切有情說斯神通陀羅尼呪受持法要，令當有情獲大善利。」

如意輪陀羅尼經破業障品第二

爾時觀自在菩薩摩訶薩又白佛言：「世尊！若有比丘、比丘尼、優婆塞、優婆夷、童男童女，於此生身求大功德現報之者，當於晝夜依法精勤修持此如意輪陀羅尼呪。不假占擇日月吉宿，亦不一日二日斷食，亦不沐浴亦不作壇，著常衣服明水灑淨，如常齋食作成就法。當於晝夜居淨室中面東趺坐，想觀自在身相好圓滿如日初出，放大光明坐蓮花上，對在目前誦念不亂，燒沈水香運心供養恭敬禮拜，隨心所辦香花供獻而不斷絕。六時時別一千八十遍相續不絕，

一一字誦滿三落叉(梵云一洛叉，唐云十萬)。由住瑜伽觀法誦念，所有過現五無間罪極惡業障自然消滅，當見種種諸大善夢，當知此則罪滅之相，聖觀自在加被護念。由斯善根，百千事業、舉心誦念、一切所為悉得成就。一切諸明神通威力，無能及此如意輪陀羅尼明神通力者。所以者何？是陀羅尼若有能信受持之者，過現造積四重、五逆、十惡罪障，應墮阿毘地獄之者，悉能消滅。若一日二日三日四日乃至七日熱病風病、癩病痰病、蠱毒厭禱、疔瘡疥癩、癲癩風痒、頭鼻眼耳唇舌牙齒咽喉胸脇心腹腰背手足支節一切疾病、種種災厄魍魎鬼神，由經誦念皆得除滅。一切藥叉、囉刹、毘那夜迦、惡神鬼等悉不能害。刀兵水火、惡風雷雹、王難賊難、怨讐等難不相橫害。一切惡相尠福之業、惡星變怪皆自消滅。虵蛇蝮蝎、守宮蜘蛛、師子虎狼、一切惡獸亦不相害。若有軍陣鬪戰、官事諍訟，由明成就皆得解脫。若常五更誦此陀羅尼一千八十遍者，如上諸事皆得解脫，自在如意。若能每日六時時別誦此陀羅尼一千八十遍者，聖觀自在夢覺現身，住是人前告言：『善男子！勿怖。欲求何願，一切施汝。』或見阿彌陀佛，或見極樂世界宮殿樓閣莊嚴之事，或見極樂世界菩薩會眾，或見十方一切諸佛菩薩大眾一切集會，或見聖觀自在所住補陀落山七寶宮殿，或見自身內外清淨，或見國王大臣恭敬供養，或見自身過世所造一切罪障皆得消滅。當知斯人當捨命後不受胎生，蓮花化生身相端好，著天衣服而自莊飾，生生之處識宿命智，乃至菩提更不墮於三惡道中，恒與一切諸佛菩薩，同一生處住不退地。」

如意輪陀羅尼經誦念法品第三

爾時觀自在菩薩摩訶薩復白佛言：「世尊！是祕密如意輪陀羅尼，復有二法：一在世間、二出世間。言世間者，所謂誦念課法勝願成就，攝化有情富貴資財，勢力威德皆得成就。言出世間者，所謂福德慧解資糧莊嚴，悲心增長，濟苦有情眾人愛敬。斯經祕要，當密祕持，無識之人不應宣傳。若證此祕密三昧耶者，當自祕持勿妄宣說。若真成就此陀羅尼最勝法者，當一切處若食不食、若淨不淨，一心觀想聖觀自在相好圓滿，如日初出光明晃曜。誦斯陀羅尼無有妄念，常持不間一無過犯，則得聖觀自在現金色身，除諸垢障神力加被，心所求願皆乞滿足，證諸神通安怛陀那法、多聞持法如意珠法、住年藥法、雨寶雨法、見伏藏法、入阿修羅窟法、隨意形法、種種藥法、杵法瓶法、世出世間諸所樂法皆得成辦。若有國王、王后嬪妃、王子公主宰官、婆羅門刹利毘舍首陀、比丘、若男若女、童男童女、若諸外道，伏信斯法而受持者，應知時數。若國王誦念

時，於七日中六時各誦一千八十遍。若后嬪妃，每時當誦九百遍。若王子，誦八百遍。若公主，誦七百遍。若宰官，誦六百遍。若婆羅門，誦五百遍。若刹利，誦四百遍。若是毘舍，誦三百遍。若首陀，誦二百遍。若比丘，誦一百八遍。若男子，誦一百六遍。若女人，誦一百三遍。若童男，誦一百遍。若童女，誦九十遍。此名課法。持念稱名，一切勝事皆獲成就，富貴福樂資財穀帛、奴婢象馬一切樂具隨意增長。明者時數，每從後夜至明相時誦一千八十遍，常不間廢，則得成就一切無邊之事。百由旬內地天男女，捷疾如風歸敬讚歎。若欲聖觀自在現與願者，清淨澡浴末香塗身，著淨衣服、食三白食，隨力所辦香花香水、三白飲食果蔬供養。沈水香、白梅檀香等和酥蜜，面東結加趺坐，想聖觀自在誦如意輪陀羅尼，一明一燒滿十萬遍，聖觀自在現身教語成就明者一切諸願。若欲執金剛藏菩薩現者，沈水香、安息香等和酥蜜，一明一念執金剛藏菩薩一燒，滿十萬遍，執金剛藏菩薩而自現身，觀念明者愛之如子，授與一切持明法器。若欲一切諸佛菩薩現者，以沈水香一明一念一切諸佛菩薩一燒，滿十萬遍，諸佛菩薩皆自現身，為除蓋障滿所求願。若欲一切大持明仙現者，以安悉香和酥，七日七夜一明一念大持明仙一燒，滿七日七夜，一切大持明仙皆自現身住是人前，各持明法呈授明者，加祐神力、隨逐擁護。若欲三千大千世界主帝釋梵王與諸天眾現者，七日七夜以安悉香、薰陸香等和酥蜜，一明一念帝釋梵王一燒，滿七日七夜，帝釋梵王與諸天眾皆自現身說法慰喻，與所求願而擁護之。」

如意輪陀羅尼經法印品第四

爾時觀自在菩薩摩訶薩復白佛言：「世尊！是祕密如意輪陀羅尼明印明者，防護供養請召迎送，必皆依法觀想分明無令錯謬，則得成就此祕密三昧耶。」

大蓮花三昧耶印第一

「二手合掌，以二頭指二中指二無名指各豎磔開微屈，頭指相去寸半，二大指二小指各豎相著微屈。印明曰：

「娜謨囉怛娜(二合)怛囉(二合)耶野(一) 娜麼阿(上)唎耶(二合)婆(無何反，下同音)露呾諦濕嚩(二合無可反，下同音)囉野(二) 菩地薩埵野(三) 摩訶薩埵野(四) 摩訶迦(居邏反，下同音)嚕拏迦野(五) 唵(喉中擡聲呼)(六) 參(去)摩曳譟(蘇到反，下同音)咩(彌養反)(七) 扇諦彈諦

(八) 薩嚩參(去)摩耶(去)(九) 努鉢囉(二合)尾瑟[齒*來](二合)(十)
奴邏努覓(魚折反)(十一) 莎嚩(二合)訶(十二)」

「若欲作曼荼羅時，當於壇地先誦身心三明一千八十遍，即結此印明印七遍，以印東西南北四維上下各揮三遍，靜心想印作百千葉七寶開敷蓮華，供養一切諸佛菩薩、諸天龍神一切歡喜。凡欲洗浴，以小心明加[打-丁+(姊-女)]字，明水七遍，右手摩水則用沐浴，不明不用。」

解脫印第二

「以二小指二無名指掌中右押左相叉，二中指豎頭相著，二頭指各當中指背屈如鉤，頭去中指背三分，二大指並豎。印明曰：

「那謨摩訶(去)室哩(二合)夜曳(一) 唵(二)(同上呼)鑠計參(去)摩曳譟咩(同上音)(三) 悉地悉第(四) 娑(去)馱耶(五) 始吠始吠(六) 始皤(蒲餓反，下同音)咩(同上音)阿(去)皤訶(上)(七) 薩嚩阿(上)唵訶(他我反)娑(去)達泥(八) 莎嚩(二合)訶(九)」

「當作此印明印三遍，印頂上、膊上、心上、喉上。護身竟，以印繞衣，能令一切毘那夜迦遠不為障超諸障礙，亦用此印持護一切供養物等而供獻之。」

治土明第三

「唵(同上)(一) 步入縛(二合)擺(二) 唬[合*牛](二合)(三)」
當「取淨土分作三聚，以此明明土七遍，一聚洗腰已下，一聚洗膊已七，一聚洗頭頸。」

觸護身印第四

「二頭指二無名指二小指掌中右押左相叉，二中指屈頭於二頭指背甲背相著，二大指並申捻二中指甲側。印明曰：

「唵(一) 句露陀(上)那(二) 唬[合*牛](二合)綽(處略反)(三)」

「次作此印明印三遍護身。往諸觸處及上廁上，出入如常洗淨。又至一處，持土洗手，并漱口齒。」

漱口印第五

「右手大指頭指中指並微屈，無名指小指屈如鉤。印明曰：

「唵(一) 覩(知矩反)覩(同上)麗(二) 矩嚕矩嚕(三) 莎(去)嚩(二合)訶(四)」

「次作此印承水，明水三遍，洗漱口齒并飲灑淨。若欲澡浴，先浴三寶，次浴聖觀自在，則自洗浴。」

浴三寶印第六

「二手仰掌，側並相著，屈二頭指各側捻二大指甲上，二中指二無名指二小指相著平申。印明曰：

「唵(一) 諦囉囉勃陀(上)(二) 莎嚩(二合)訶(三)」

「次作此印取水，明之三遍浴佛，次浴法時除勃陀字安達磨字，次浴僧時除達磨字安僧(去)伽字，各水三掬。浴獻三寶已，當浴本尊。」

聖觀自在浴印第七(又名明者取水洗自頂上)

洗浴印

「二手仰掌，側並相著，二頭指二中指二無名指二小指各豎屈相著，屈二大指各捻二頭指下文。印明曰：

「娜謨囉怛娜(二合)怛囉(二合)耶野(一) 娜麼阿(上)唎耶(二) 婆露拈諦濕嚩囉野(三) 菩地薩埵野(四) 摩訶(去)薩埵野(五) 摩訶(去)迦嚕拈迦野(六) 怛地(寧也反)他(去)(七) 闍囉摩訶(去)闍囉(八) 蘇囉鉢底(九) 莎嚩(二合)訶(十)」

「次作此印取水三掬，各明三遍，浴聖觀自在已，即澆自頂洗浴於身。」

自灌頂印第八

「以二無名指掌中右押左相叉，二小指直豎頭相著，二中指豎伸屈第一節頭相拄，二頭指各捻中指背節上，二大指捻二無名指頭。印明曰：

「唵(一) 賀佉理理(二) 虎[合*牛](二合)[打-丁+(姊-女)](三)」

「若洗浴訖，次作此印明印三遍，取水用自灌頂，辟除一切作障難者。」

著衣印第九

「二手大指各橫押頭指中指無名指小指甲上。印明曰：

「唵(一) 微莽囉(二) 莎嚩(二合)訶(三)」

「次以此印取水，明三遍，灑灑衣服。又以小心明明衣三遍，著持已出於淨處面東蹲坐。又用澡豆淨水洗手漱口，其漱口明如上無別。」

禁頂印第十

「以右手中指無名指小指作拳，以頭指捻大拇指面中文。印呪曰：

「唵(一) 矩嚕矩麗(二) 莎嚩(二合)訶(三)」

「次作此印，明印三遍印頂上。作浴法時，於其中間不得瞋怒起諸漏心，亦不得見諸臭穢物諸惡人輩。一心憶念聖觀自在，即入道場頂禮三寶，次禮聖觀自在，用小心明明水五遍，灑治諸供藥物及灑道場。」

護身印第十一

「以二小指掌內相叉，屈二無名指雙押二小指相叉上，二中指直豎頭相著，二頭指微屈各當二中指上節相去半分，二大指當二中指側仰。印明曰：

「唵(一) 跋日羅(引二合)祇睇(二) 鉢囉(二合)儻(去)鉢踰野(三) 莎嚩(二合)訶(四)」

「次作此印，明三遍，印頂上、兩膊上、喉上、心上，即成護身。」

大護身印第十二

「印相准前。印明曰：

「唵(一) 入縛(二合)攞囊野(二) 虎[合*牛](二合)[打-丁+(姊-女)](三)」

「又作前護身印，明印三遍，印觸五處成大護身。」

被甲印第十三

「二手仰掌，散申十指。印明曰：

「唵(一) 度比度比迦(引)野度比(二) 鉢囉(二合)入嚩(二合)理睇(三) 莎嚩(二合)訶(引)(四)」

「次作此印，明印三遍，從頂摩觸下至於足，即成被甲。」

十方界明第十四

「唵(一) 阿(去)[口*露]力(二)」

「此明明水、白芥子，灑散八方結界。又以小心明明水、白芥子，灑散八方上下方結界。」

結壇界印第十五

「二中指二無名指二小指掌中右押左相叉相鉤，二頭指斜豎頭相著，二大指向身豎頭側相著。誦小心明明印七遍，繞壇三匝揮印結立壇界。次於壇內諸聖者位，奉置香水器，水上汎花供養。」

治路明第十六

「唵(一) 鉢那弭睇(二) 幡伽(上)縛底(下以反)(三) 慕(輕呼)賀野慕(輕呼)賀野(四) 惹蘖慕(輕呼)賀睇(五) 莎(去)嘑(二合)訶(引)(六)」

「此明欲奉請時，持香鑪誦之七遍，開治空中道路關鑰，辟除一切，警覺聖觀自在及諸聖者來加被之。」

請召印第十七

「二中指二無名指二小指右押左仰豎相叉相鉤，二頭指斜伸頭相拄，二大指向前招撥二中指頭。請召先顧彼方。若改二大指向外撥，即名送諸聖者法。印明曰：

「唵(一) 覩嚕覩嚕(二) 莎縛(二合)訶(引)(三)」

「次作此印誦明七遍，請諸聖者降會道場。」

迎印第十八

「二手十指掌中右押左相叉作拳，各露中節，豎右大指來去。印明曰：

「娜謨囉怛娜(二合)怛囉(二合)耶野(一) 娜麼阿(上)唎耶(二) 婆露拏諦溼縛囉野(三) 菩地薩埵野(四) 摩訶(去)薩埵野(五) 摩訶迦嚕拏迦野(六) 鉢頭摩(二合)鉢頭摩(二合)(七) 鉢頭摩(二合)播睇(八) 娑(去)羅娑(去)囉(九) 翳醯曳醯(十) 婆(上)伽(上)畔(十一) 那(去)哩夜(二合)婆露拏諦溼縛囉野(十二) 阿(上)奴紺播謨播馱野(十三) 啊(去)露力(十四)」

「次作此印誦明三遍，右轉迎想聖者至壇供養。」

香水印第十九

「二手十指掌中右押左相叉，雙合成拳，豎左頭指而遍示之。印明曰：

「唵(一) 啊(去)露力(二)」

「次作此印明印三遍，印香水器，捧持當額供養奉請。」

華座印第二十

「二手仰掌，二頭指二中指二無名指二小指各豎背相並著，二頭指各附著中指背，二頭指頭與二中指上文齊，二大指各附頭指下文。印明曰：

「唵(一) 鉢頭摩(二合)寐邏野(二) 莎嚩(二合)訶(三)」

「次作此印誦明三遍，與諸聖者敷設花座。白言：『聖者善來。由本願力不捨大悲，來降赴此卑弊之處。開無等恩願垂加持，受斯供養滿有情願，各就本座。』作請坐印總請，想諸聖者各就座坐。」

請坐印第二十一

「二頭指二無名指二小指掌中右押左相叉作拳，二大指雙屈入掌，二中指豎頭相拄，上下來去。

「次作此印誦小心明三遍，請聖觀自在及請諸菩薩各就座坐。次請用軍荼利金剛結界嚴護。」

除障印第二十二

「二中指二無名指二小指掌內右押左相叉，二頭指斜豎頭相拄，二大指向身豎頭相拄。印明曰：

「唵(一) 耳嚩(二合)耳曩(去)伽(上)(二) 勃力(二合)婆夜(三) 弊(毘藥反)爾拏(四) 莎嚩(二合)訶(五)(引)」

「次作此印，明印三遍，印一切花香供養物等，作淨除障。」

供養印第二十三

「二手合掌，二大指二中指二無名指二小指頭各右押左相叉，二頭指各捻中指背上節。印明曰：

「娜謨薩嚩勃陀(上)(一) 步地薩埵南(上)(二) 薩婆訶沃刈諦(三) 薩(僧邑反)頗囉(二合)伊摩[合*牛](二合)(四) 伽(上)伽(上)那(去)紺

(五) 莎縛(二合)訶(引)(六)」

「次作此印，明印三遍，想為種種供養聖者。當作種種讚歎三寶、讚歎聖觀自在，隨心所樂發願迴向、懺悔諸罪、發菩提心。」

求生印第二十四

「二大指二小指豎頭相著微屈，二頭指二中指二無名指各豎散伸微屈，令頭間各相去一寸。印明曰：

「唵(一) 鉢頭(途邑反二合)慕皤(菩餓反)婆(無何反)野(二) 莎(去)嚩(二合)訶(引)(三)」

「次作此印，明印三遍，顯示諸尊一切歡喜，擁護加被所求福願。」

根本印第二十五

「二手合掌虛掌內，二大指相並豎申，屈二頭指捻二大指頭上相拄。誦大心明、小心明，明印三遍，印頂上、左右膊上、喉上、心上。護身被甲則印藥上，誦大心明、小心明，明藥光護。」

大心印第二十六

「准前印，改左手當心仰申，改右手向外揚掌。誦大心明明印三遍，呈示聖觀自在，請願成辦一切事業。」

淨治珠明第二十七

「唵(一) 暗沒哩(二合)耽儼袂室哩(二合)曳(二) 室唎(二合)忙(去)哩爾(輕呼)(三) 莎縛(二合)訶(引)(四)」

「以此明淨治念珠。當用蓮子或摩尼珠，以牛五淨浴之。一一珠明七遍，穿持繫畢又明一百八遍，如法受持。」

數珠印第二十八

「右手取珠置於掌中，二手合掌大虛掌內。捧珠明曰：

「唵(一) 縛蘇(上)皤底(二) 室哩(二合)曳(三) 鉢特(二合)莽忙[口*履](四) 莎縛(二合)訶(引)(五)」

「此明又明珠一千八十遍，清淨受持。每取珠時，三遍明珠。二手當心相去六寸，或當鼻前，二手五指各攢捻念珠，捻一一珠與明同

了，斷諸緣慮一心凝目，想念聖觀自在陀羅尼字，圓光身心光明如日不令錯亂。隨所力念乃至千萬，身極疲頓誦念方息。開目瞻覩聖觀自在，合掌頂禮，種種讚歎聖觀自在。出道場時復獻香水。作是思惟：『我當以何方便，令諸有情永免生死證入菩提？』若成就藥者，瞻想聖觀自在，一心係藥捷捷誦明，候太陰太陽盈復。如本藥現煖、煙、增、光，藥即成就。」

解界印第二十九

「二無名指掌內右押左相鉤，二大指捻二無名指甲上，二中指豎頭相拄，二頭指附二中指背相著，二小指並豎相著。印明曰：「唵(一) 紇哩(二合)阿(上)參(去)忙擬睜(二) 虎[合*牛](二合)(三)」次作此印誦明七遍，左轉三匝解結壇界。若解界已，又獻香水供養發遣，作前迎印向外撥之，送諸聖者。」

五淨明第三十

「唵(一) 耶輸(上)提(二) 莎縛(二合)訶(引)(三)」
「明者若食觸穢食時，以此明淨牛五淨一百八遍，以茅草攪令相和，服之解其觸穢，即得清淨。一切藥物供養器物，香水香花、塗香燒香、飲食然燈、磨香喫食、著脫衣服、灑水澡浴作淨，皆用小心明明之五遍，威光增澤遣治諸障。」

如意輪陀羅尼經壇法品第五

爾時觀自在菩薩摩訶薩復白佛言：「世尊！是祕密如意輪陀羅尼大曼荼羅印三昧耶，成就世間三種藥法，令世人民見聞歡喜而相愛敬。當候太陰太陽蝕時，預二七日於閑靜處，方量四肘或復五肘或復八肘，隨自力能，如法掘地，除去惡土瓦石骨木，以淨黃土培築平填。初瞿摩夷塗，次黃土泥塗，次香泥塗精細泥飾。分為二院，內院當心畫三十二葉開敷蓮花，於花臺上畫如意輪聖觀自在菩薩。面西結加趺坐，顏貌熙怡身金色相，首戴寶冠冠有化佛。菩薩左手執開蓮花，當其臺上畫如意寶珠，右手作說法相。天諸衣服珠璫環釧，七寶瓔珞種種莊嚴，身放眾光。東面畫圓滿意願明王，左畫白衣觀世音母菩薩；北面畫大勢至菩薩，左畫多羅菩薩；西面畫馬頭觀世音明王，左畫一髻羅刹女；南面畫四面觀世音明王，左畫毘俱胝菩薩。是等菩薩，寶冠珠瓔耳璫環釧，天諸衣服種種莊嚴，坐蓮花上半加趺坐。外院東面畫天帝釋，左右畫諸天眾圍繞；南面畫焰

魔王(云閻羅王)，左右畫諸鬼母眾圍繞；西面畫水天王，左右畫難陀龍王、烏波難馱龍王及諸龍王眾圍繞；北面畫多聞天王，左右畫諸藥叉眾圍繞；東南面畫火天神，左右畫苦行仙眾圍繞；西南面畫羅刹王，左右畫諸羅刹眾圍繞；西北面畫風天王，左右畫風天眾圍繞；東北面畫大自在天王，左右畫宮槃荼鬼眾圍繞。又東面畫日天子，左右畫七星天眾圍繞；又西面畫月天子，左右畫七星天眾圍繞；又西面畫地天神，左右畫諸藥叉神圍繞。又東面畫大梵天王，左右畫諸梵眾天圍繞；又西面畫阿素落王，左右畫阿素洛僕從圍繞。又西門畫始縛(無可反)婆歌(呼我反)明王。是等天神各執器仗，種種衣服如法莊嚴，半加趺坐。內外院界畫寶階道。內院界上遍畫種種色如意寶珠，繞畫火焰。外院界上遍畫獨股金剛杵，令頭相次，繞畫火焰。此祕密曼荼羅三昧耶，力不逮者但畫座位，各於位上題書名字，作法供養亦得成就。若畫匠畫時，清淨澡浴著淨衣服，每日與授八戒齋法。如法畫飾，彩色筆盞皆淨好者。若畫飾已，明者淨浴著淨衣服，依法作治護身護伴、結界、奉請，香水供養，燒沈水香、白檀香、安悉香、薰陸香。壇內聖觀自在前，敷蓮荷葉置於藥器，以蓮花葉蓋覆器上，加牛五淨灑灑藥上，并印護持。各依位次，獻諸香水、香花、果蔬、三白飲食，及諸飲食、酥油燈鬘如法供養。則當呈示三昧耶，令普照知。其奉請香水及獻香水香花、塗香燒香、果蔬飲食燈明，皆印加持明之三遍。此祕密曼荼羅三昧耶，是聖觀自在現身與願處，是一切諸天明仙神敬讚歎守護處，是諸有情蠲除一切罪障處，是成就世出世間二種藥處。增長福蘊，命終當得往生西方極樂刹土，蓮花化生，著天衣服而自莊嚴，識宿命智，乃至菩提不墮惡道。」

如意輪陀羅尼經佩藥品第六

爾時觀自在菩薩摩訶薩復白佛言：「世尊！是祕密如意輪陀羅尼明，有三種藥：一者佩藥、二者含藥、三者眼藥。言佩藥者，等分當用牛黃、白栴檀香、鬱金香、龍腦香、麝香、丁香、白荳蔻、紅蓮花鬚、青蓮花葉、肉荳蔻、素靺囉拏鉢怛囉(唐翻曼陀羅葉，餘本譯云金薄，未詳)、石蜜，塗壇結界，明藥一千八十遍，相和擣篔為丸。和擣藥時調調誦明，明藥不絕特勿世語，法即成就。盛藥器中置於壇內聖觀自在前，誦根本明、大心明、小心明加法藥，乃至太陽太陰盈復圓滿，藥現煖、煙、增、光。若煖相現，燒薰衣服、佩戴、點額上臉上眉間上者，則謂一切人民愛敬遵崇教命。若煙相現，燒薰衣服、佩戴、點者則得安怛陀那自在成就。若增相現，薰衣點佩福德增壽，一切鬼神怖不相燒，魍魎諸病皆得除差。若光相現，薰

衣點佩則證神通明仙之位，國王王子、后妃嫔女、宰官僚佐、男女大小，見令歡喜敬事供養，施諸財寶隨順讚歎。一切災厄宿障、五無間罪，應墮阿毘地獄者亦皆消滅。由明藥成，福德增盛，人所覩見而不厭怠，獲大勝願，猶如日輪隨方至處除世幽冥。一切觀愛諸事成辦，水難火難、刀杖毒藥、蠱毒呪咀、虎狼毒虫悉不災害。設復有人臨當刑戮，以藥熏佩，由藥勢力，刀尋段壞而得解脫。若復有人杻械枷鎖禁繫牢獄，以藥熏佩而得解脫。是持明者作此法時，應當至心誠信斯法勿懷疑惑，依法修治必不虛也(此藥有毒，持勿妄服)。」

如意輪陀羅尼經含藥品第七

爾時觀自在菩薩摩訶薩復白佛言：「世尊！是陀羅尼明含香法者，世間一切恭敬愛樂。等分當以龍腦香、麝香、鬱金香、牛黃，塗壇結界，明藥一千八十遍，相和搗研，以天雨水和丸如麻子。盛藥器中置於壇內聖觀自在前，誦根本陀羅尼明、大心明、小心明。作成就法，候太陰太陽盈復圓滿。藥若煖、煙、增、光明現，驗斯相成密處陰乾。若煖相現，含持誦念，攝諸人民相敬讚歎，口諸疾病皆悉除差，口氣香潔。若煙相現，含持誦念，心所願求自然圓滿，除諸災患語業清淨，薄除垢障見者敬伏。若增相現，含持誦念，壽命增遠，魍魎鬼神見皆怖走。若光相現，含持誦念，則證神通明仙之位，識宿命智，五無間罪自然除滅，世間諸難皆得解脫。國王王子、后妃嫔女、宰官人民、外道等輩，見聞講論種種言詞，悉皆信受歡喜聽聞攝伏供事，施諸財寶一切成辦。如轉輪王曼馱多慈育天下，得與帝釋同一床坐。是持明者含斯藥力，乃至有所聽聞持皆不忘，世間智慧辯說無礙，言音和雅如緊那羅令眾樂聞。若含斯藥入陣鬪戰，定勝他軍。若常含藥依法誦念，聖觀自在現斯人前，與所求願隨心滿足。又法作四肘曼荼羅，基高尺二寸，平治填拭，以瞿摩夷、黃土泥，白栴檀香泥塗。壇上置聖觀自在像，像面向西，香花燈明三時布獻，唯除苦花臭花。沈水香、白栴檀香燒焯供養。以白栴檀木作摩尼幢，椗量高一肘，幢頭繒綵莊嚴，下垂幡帶。幢頭置摩尼珠，其珠以紅頗梨或用水精，皆淨無瑕翳。其幢置壇心上，以七丸藥懸置幢上。壇西作法面東趺坐，誦根本陀羅尼明、大心明、小心明，啟請聖觀自在、帝釋天、大梵天、四天王天、持明仙、濕婆摩訶明王、一髻羅刹女、度底使者。時別一千八十遍，燒香散花，梵音讚歎而供養之。滿一百日夜，於聖觀自在所求如願，一切攝伏隨順安住，得與呪仙同行，業緣諸仙敬護，直至命終請往使處必不疑也。此名如意密使之法。夫用藥者，應以藥丸隨日多少

作末，石蜜和丸，盛銀器中，大心明、小心明明一千八十遍，持藥一明一觸菩薩二足一百八遍，置密淨處。每欲含時明三七遍，含持默誦三明一百八遍，一切鬼神難調伏者而皆降伏，隨心驅使速得成辦。若含若帶，所向之處見者歡喜無不和偶，能成一切祕妙之事。若入王宮、若入僧中、若入聚落、若入外道，皆密含藥默誦明，攝善言相教，則得一切順伏相向樂同一處，心所念求為皆成就，常得貴人愛敬供養。若常如法作是法者，於日日中應受種種上妙供養，若有怨敵軍陣鬪諍皆得勝利。以是因緣，聖觀自在於一切時護如愛子，與大自在。作是法者，除不至心。」

如意輪陀羅尼經眼藥品第八

爾時觀自在菩薩摩訶薩復白佛言：「世尊！是陀羅尼明眼藥法者，令諸有情獲大勝利如意成就，聖觀自在與所求願一切圓滿。其藥等分雄黃、迦俱婆昵夜珊(唐云蒼耳子燒取瀝，餘本譯云取蒼耳子人)、紅蓮華鬚、青蓮花葉、牛黃、鬱金香、黃[木*薑](餘本譯云乾薑，未詳)、小折(一云象膽，二本小柏)、葦芡、胡椒、海水沫，塗壇結界，明藥一千八十遍，相和薦研。又以麝香、龍腦香、自生石蜜，各減前藥半分，相和精研。盛銅器中，置壇內聖觀自在前，誦根本明、大心明、小心明。作成就法，當候日月盈復圓滿，藥煖、煙、增、光現，藥則成就。隨上中下成就證相，先以藥塗聖觀自在足下，於諸有情起大悲心，當誦前三明一百八遍，則當塗眼。所有翳障、白暈眵淚、赤膜雀目、胎赤風赤、眼中努肉皆得除差。第二度塗者，所有頭痛或頭半痛、口諸疾病、壯熱病一日發二日發三日發或常發者悉皆除差。第三度塗者，一切諸惡神病鬼病癩癩風病，乃至八萬四千神鬼種種病惱悉得除愈。第四度塗者，一切作障毘那夜迦、諸魔鬼神皆怖遠離。第五度塗者，一切怨難兵陣鬪諍皆得勝利，有大威德。第六度塗者，一切重罪五無間業，應墮阿毘地獄之者，及諸惡夢一切災怪、不吉祥相悉皆除滅。第七度塗者，國王王子、后妃嫔女、宰官僚佐、一切男女悉皆隨順，信向愛樂而為供養。第二七度塗者，得大自在。第三七度塗者，福殖如王，一切人民悉伏隨順親近供養。第四七度塗者，一切藥叉及藥叉女種族眷屬，隨意攝伏任為給使。第五七度塗者，一切羅刹及羅刹女、一切阿修羅及阿修羅女、一切龍及龍女，自在攝伏皆為給使。第六七度塗者，一切大力幻化飛空洛刹瑜吉尼，現種種形隨意給使，乃至菩提隨逐擁護。第七七度塗者，摩訶迦羅神、鬼子母神、八部諸神而皆攝伏隨從擁護。第八七度塗者，能見一切隱形仙輩。第九七度塗者，能見地中一切伏藏。第十七度塗者，能見諸仙人宮，阿修羅宮一切門開，見

彼宮中一切出入。第十一七度塗者，入於山林能見一切藥精現形威光赫奕，求之長壽及大勢力，採取如意。第十二七度塗者，能開諸山神仙宮門。是中神仙迎持明者，入須仙藥則得如意。第十三七度塗者，能開海中一切龍宮，見中龍眾一切歡喜無有障礙。第十四七度塗者，能見欲界諸神宮室一切門開。第十五七度塗者，夜行黑闇明見如晝。第十六七度塗者，能見水際、金剛際、風輪際、空際。第十七七度塗者，能見四天王天，亦能下見地獄受苦有情，令彼有情皆得解脫。第十八七度塗者，威光如日破諸黑闇。第十九七度塗者，能見聖執金剛菩薩，祈乞諸願悉皆滿足。第二十七度塗者，能見聖觀自在，與所求願悉皆滿足。第二十一七度塗者，能得神通，觀見色界諸天宮殿，自在遊戲出入無礙，復見十方一切刹海諸佛菩薩獨覺聲聞會眾淨佛國土。若一年塗者，密持三明得淨五眼，功德福蘊、神通威力轉更增長齊諸天等。每塗藥時，銅箸搵藥明三七遍，點塗眼中，如法持明。若諸有情修持斯法求於勝願，當深信解勿生疑惑，常於有情生大悲心學佛智慧，即得成就如向所說一切事業，必不虛也。作此法者，心生疑惑復不專功，所作諸法則不成就。」

如意輪陀羅尼經護摩品第九

爾時觀自在菩薩摩訶薩復白佛言：「世尊！是陀羅尼明護摩法，饒益有情，成就一切最勝之法，破諸蓋障止諸怨敵，一切毘那夜迦不相障惱，一切人民見皆歡喜。於清淨處方量三肘淨治塗地，當中圓一肘深半肘穿火爐坑，瞿摩夷黃土泥，如法摩拭。白栴檀木長二把半截之，鑪中累燒。等分以稻穀花、白芥子、沈水香和酥蜜乳酪，於五更時護摩一千八十遍，五無間罪一切業障一時消滅。若經七日作護摩者，壽命無夭，出諸重罪，得身清淨。若二七日作護摩者，福壽增越，國王王子輔相人民見其愛敬如事火天。若三七日作護摩者，三十三天釋提桓因并諸天眾日月天子，皆來擁護與諸願滿。四天王神持明仙眾并諸眷屬，皆來擁護與其効驗。執金剛菩薩與大勝願。聖觀自在當現其身，授加大願隨意滿足，令世人民皆當敬伏。若天亢旱，以白芥子和酥，三日三夜如法護摩，則降甘雨。若多霖雨，取護摩灰，仰觀空中明一百八遍，上散空中，其雨即晴。若災風雹雨卒暴起時，用護摩灰明一百八遍，望向散之，風雹即止。若常依法誦念明者，威德神力而無所畏如那羅延，捨此身後即生西方極樂世界，隨所生處常識宿命，乃至菩提不墮惡道。

「世尊！此如意輪陀羅尼明，無量功德踰海無極。若比丘、比丘尼、優婆塞、優婆夷、童男童女，能依斯法不生疑惑，書寫讀誦常

受持者，心有憶持一切事業，皆盡如意得大威德。時諸四部信男信女皆悉愛敬，持明仙王與諸仙眾冥密守護，加祐福事自然成辦，得大尊貴恭敬供養。一切財寶真珠摩尼、金銀琉璃、珂貝璧玉、衣服樂具而皆豐足，獲大福植諸願滿故。是持明者得斯吉祥如意悉地，勿輕泄人，所獲神力永無退失。世尊！此如意輪陀羅尼明印明，威神如是，甚為希有。或淨不淨能成有情，心寂法海入諸三昧，神道遊戲住佛菩提。以斯因緣，我以大悲成熟有情。唯希如來加持覆護。」

如意輪陀羅尼經囑累品第十

爾時世尊讚觀自在菩薩摩訶薩言：「善哉善哉！大慈悲者！能善說此如意輪陀羅尼明。是法於瞻部洲，利樂成熟一切有情菩提善根。若有有情發心，於此如意輪陀羅尼明，讀誦受持恆不間者，則此生中證見色寂圓照神通遊戲智三昧耶。非但現世得大福利，亦於當生獲大功德。是故一切天龍八部皆應敬護，如事火天。我以持此明者付囑於汝，常勤加護。念斯明者得其證驗，見信汝身。我已隨喜。」爾時觀自在菩薩摩訶薩白佛言：「世尊！我於無量劫來，以大悲力受如來教、付囑有情，常隨擁護與其效驗。唯佛證知。為於有情說此如意輪陀羅尼明，若受持者依課誦持，得願滿足證成不難。承佛神力，得作如是救苦有情。」爾時聖觀自在菩薩摩訶薩說此經已，一切大眾皆大歡喜信受奉行。

如意輪陀羅尼經

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewebPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
